

Յունուար 1, 2012

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ
Գլուխ 22:24-30

Աշակերտներուն մէջ վէճ ծագեցաւ թէ իրենցմէ ով պիտի նկատուի մեծը: Յիսուս անոնց ըսաւ.

–Ազգերու թագաւորները կը տիրեն իրենց ժողովուրդներուն վրայ եւ իշխողները բարերար կը կոչուին իրենց հպատակներուն կողմէ: Բայց ձեր պարագային այդպէս պէտք չէ ըլլայ: Ընդհակառակը, ձեր մէջէն ամենէն մեծը թող ամենէն պզտիկին պէս ըլլայ, եւ առաջնորդը՝ սպասաւորին պէս: Ո՞վ է մեծը, սեղան բազմո՞ղը թէ սպասաւորը: Անշուշտ որ սեղան բազմողը: Բայց ես ձեր մէջ սպասաւորի պէս եմ: Դուք միշտ ինչպէս մնացիք փոքրութիւններու ընթացքին, եւ ես ահա կը խոստանամ թագաւորութիւն տալ ձեզի, ինչպէս Հայրս ինծի տալ խոստացաւ: Իմ թագաւորութեանս մէջ իմ սեղանէս պիտի ուտէք ու խմէք եւ պիտի բազմիք գահերու վրայ՝ դատելու համար Իսրայէլի տասներկու ցեղերը:

Օրուայ ուրիշ ընթերցումներ – Եսայի 51:15-52:3 –Եբրայեցւոց 13:18-25

Յունուար 6, 2012 – **ԾՆՈՒՆԴ ԵՒ ԱՍՏՈՒԱԾԱՅԱՅՏՆՈՒԹԻՒՆ ՔՐԻՍՏՈՍԻ**

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ՍՏ ՄԱՏԹԷՈՍԻ
Գլուխ 1:18-25

Այսպէս պատահեցաւ Յիսուս Քրիստոսի ծնունդը:

Իր մայրը՝ Մարիամ, նշանուած էր Յովսէփի հետ, սակայն նախ քան ամուսնութիւնը Մարիամ յղի մնաց Սուրբ Հոգիէն:

Յովսէփ, իր նշանածը, արդար մարդ ըլլալուն՝ չուզեց հանրութեան առջեւ խայտառակել զինք, այլ խորհեցաւ լռելիայն ետ ընել իրենց նշանախօսութիւնը: Մինչ այս մասին կը մտածէր, ահա Տիրոջ հրեշտակը երեւցաւ իրեն երազի մէջ եւ ըսաւ. «Յովսէփ, Դաւիթի՛ որդի, մի՛ վախճար ամուսնանալու նշանածիդ՝ Մարիամի հետ, որովհետեւ ան որ իրմէ պիտի ծնի Սուրբ Հոգիէն է: Անիկա զաւակ մը պիտի ծնի եւ զայն պիտի կոչես Յիսուս, որովհետեւ ան իր ժողովուրդը իրենց մեղքերէն պիտի փրկէ»: Այս բոլորը պատահեցան, որպէսզի կատարուի Տիրոջ կողմէ ըսուածը Եսայի մարգարէին միջոցաւ.

*«Ահաւասիկ կոչար պիտի յղանայ եւ որդի մը ծնի:
Անիկա էմմանուէլ պիտի կոչուի,
որ կը նշանակէ՝ Աստուած մեզի հետ»:*

Երբ Յովսէփ արթնցաւ, կատարեց ինչ որ Տիրոջ հրեշտակը հրամայած էր իրեն եւ ամուսնացաւ իր նշանածին՝ Մարիամի հետ. բայց չյարաբերեցաւ անոր հետ, մինչեւ որ իր անդրանիկ զաւակը ծնաւ, եւ զայն Յիսուս կոչեց:

Օրուայ ուրիշ ընթերցում –Տիտոսի 2:11-15

Յունուար 8, 2012

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ
Գլուխ 2:13-23

Երբ մոգերը Բեթլեհեմէն հեռացան, Տիրոջ հրշտակը Յովսէփի երեւցաւ երագին մէջ եւ ըսաւ. «Ել՛ առ մանուկն ու իր մայրը եւ փախիր Եգիպտոս. հոն մնա մինչեւ որ կրկին քեզի յայտնուիմ, որովհետեւ Հերովդէս թագաւոր մանուկը կը փնտռէ՝ զայն սպաններու համար»: Յովսէփ արթնցաւ, գիշերով առաւ մանուկն ու մայրը եւ գնաց Եգիպտոս, ուր մնաց մինչեւ Հերովդէսի մահը: Այս ձևով իրականացաւ Տիրոջ խօսքը, Ովսիա մարգարէի բերնով ըսուած, «Եգիպտոսէն կանչեցի իմ որդիս»:

Իսկ Հերովդէս երբ տեսաւ որ մոգերը զինք խաղի բերին, սաստիկ զայրացաւ եւ մարդիկ դրկեց որպէսզի սպաննեն Բեթլեհեմի մէջ եւ անոր շրջակայքը գտնուող բոլոր երեխաները, որոնք երկու տարեկան եւ կամ աւելի փոքր էին, նկատի առնելով Յիսուսի ծնընդեան ժամանակը, որ ստուգած էր մոգերէն: Այսպիսով իրականացաւ Երեմիա մարգարէին խօսքը, որ կ'ըսէ.

«Գոյժ մը լսուեցաւ Ռամայի մէջ,
հեծեծանք եւ լացուկոծ դառնագին.
Ռաֆէլ իր գաւակներուն համար կու լար
եւ միտիթարուիլ չէր ուզեր.
Բանի այլեւս անոնք չկային»:

Հերովդէսի մահէն ետք ահա Տիրոջ հրեշտակը Եգիպտոսի մէջ Յովսէփի երեւցաւ երագին մէջ եւ ըսաւ. «Ել, առ մանուկն ու իր մայրը եւ վերադարձիր Իսրայէլի երկիրը, որովհետեւ մանուկը սպաննել ուզողները մահացան»: Յովսէփ ելաւ, առաւ մանուկն ու իր մայրը եւ վերադարձաւ Իսրայէլի երկիրը: Սակայն երբ լսեց որ Հերովդէսի տեղ անոր գաւակը՝ Արքեղայոս թագաւորած է Հրէաստանի վրայ, հոն երթալու վախցաւ: Փոխարէնը, երագի մը մէջ իրեն հրամայուածին համաձայն գնաց Գալիլիայի կողմերը եւ բնակեցաւ Նազարէթ քաղաքին մէջ: Եւ այսպէս իրականացաւ մարգարէներուն խօսքը, թէ Նազովրեցի պիտի կոչուի:

Օրուար ուրիշ ընթերցում – Երբայեցւոց 1:1-12

Յունուար 15, 2012

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆՆԷՆ ԸՍՏ ՅՈՎՀԱՆՆԷՍԻ
Գլուխ 2:1-11**

Մեր Տէրը Յիսուս Քրիստոս կ'ըսէ.---

Յիսուսի Գալիլիա հասնելուն երրորդ օրը հարսանիք մը կար Կանա քաղաքի մէջ, եւ Յիսուսի մայրը հոն էր: Յիսուս եւ իր աշակերտներն ալ հրաւիրուած էին հարսանիքին:

Երբ գինին պակսեցաւ, Յիսուսի մայրը իրեն ըսաւ. «Գինի չունիմ»: «Մայր, ինձի այս մասին ըսելու պէտք չունիս», պատասխանեց Յիսուս, «Իմ ժամանակս տակաւին չէ հասած»: Սակայն իր մայրը ըսաւ սպասաւորներուն. «Ինչ որ ըսէ ձեզի, կատարեցէ՛ք»:

Հրեաներու մաքրուելու սովորութեան համաձայն հոն քարէ վեց կարասներ կային, որոնցմէ իւրաքանչիւրը ութսունէն հարիւր լիդր կ'առնէր, Յիսուս ըսաւ սպասաւորներուն. «Կարասները ջուրով լեցուցէ՛ք»: Եւ սպասաւորները լեցուցին մինչեւ բերան: Յետոյ ըսաւ անոնց. «Հիմա առէ՛ք եւ մատակարարին տարէ՛ք»: Անոնք ալ տարին:

Մատակարարը համտեսեց գինիի փոխուած ջուրը, բայց չգիտցաւ թէ ուրկէ էր. թէն սպասաւորները, որոնք ջուրը լեցուցած էին, գիտէին: Այն ատեն մատակարարը փեսային ըսաւ. «Ամէն մարդ նախ ընտիր գինին կը հրամցնէ, իսկ երբ գինովնան, այն ատեն հասարակը, մինչ դուն ընտիր գինին պահեր ես մինչեւ հիմա»:

Յիսուս իր այս առաջին հրաշքը կատարեց Գալիլիայի Կանա քաղաքի մէջ: Հոն ան իր փառքը յայտնեց, եւ աշակերտները հաւատացին իրեն:

Օրուայ ուրիշ ընթերցումներ – Եսայի 54:1-14 – Ա. Տիմոթէոսի 1:1-11

Յունուար 22, 2012

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆՆԵՆ ԸՍՏ ՅՈՎՀԱՆՆԵՍԻ
Գլուխ 3:13-21

Մեր Տէրը Յիսուս Քրիստոս կ'ըսէ.---

«Ոչ ոք երկինք ելաւ բացի մարդու Որդիէն, որ իջաւ երկինքէն, ուր կը գտնուէր: Եւ ինչպէս որ Մովսէս պղնձեայ օճը բարձրացուց անապատին մէջ, նոյնպէս ալ պէտք է մարդու Որդին բարձրանայ, որպէսզի անոր հաւատացողը յաւիտենական կեանք ունենայ: Որովհետեւ Աստուած ա'յնքան սիրեց աշխարհը, որ մինչեւ իսկ իր միածին Որդին տուաւ, որպէսզի անոր հաւատացողը չմեռնի, այլ յաւիտենական կեանք ունենայ: Որովհետեւ Աստուած իր Որդին աշխարհ դրկեց, ո՛չ թէ որպէսզի Որդին աշխարհը դատապարտէ, այլ որպէսզի աշխարհը փրկէ: Ով որ կը հաւատայ անոր՝ չի դատապարտուիր. իսկ ով որ չի հաւատար անոր, արդէն իսկ դատապարտուած է, Աստուծոյ միածին Որդիին չհաւատալուն համար:

«Եւ դատապարտութիւնը այս է. հակառակ անոր որ լոյսը աշխարհ եկաւ, մարդիկ խաւարը լոյսէն աւելի սիրեցին, որովհետեւ չարութիւն կը գործէին: Ով որ չար գործ կը կատարէ, կ'ատէ լոյսը եւ լոյսին չի գար, որպէսզի իր գործերը չյայտնուին: Սակայն ով որ կը կատարէ ինչ որ ճշմարիտ է, լոյսին կու գայ, որպէսզի յայտնի ըլլայ թէ իր գործերը Աստուծոյ կամֆին համաձայն գործուած են»:

Օրուայ ուրիշ ընթերցումներ – Եսայի 58:13-59:7 – Ա. Տիմոթէոս 4:12-5:10

Յունուար 29, 2012

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆՆԵՆ ԸՍՏ ՅՈՎՀԱՆՆԵՍԻ
Գլուխ 6:15-21

Մեր Տէրը Յիսուս Քրիստոս կ'ըսէ.---

Յիսուս երբ գիտցաւ թէ պիտի գան բռնութեամբ զինք թագաւոր ընելու, դարձեալ լեռը ելաւ, առանձինն:

Երեկոյեան, Յիսուսի աշակերտները ծովեզերք իջան եւ նաւակ մտնելով սկսան երթալ ծովուն դիմացի կողմը, դէպի Կափառնայում: Երբ մթնցաւ, տակաւին Յիսուս իրենց եկած չէր: Ծովը զօրաւոր հովէն կ'ալեկոծէր:

Աշակերտները հագիւ հինգ կամ վեց ֆիլոմեթր նաւարկած էին, երբ տեսան Յիսուսը որ ծովուն վրայէն ֆալելով կը մօտենար նաւակին: Բոլորը սարսափեցան: Յիսուս ըսաւ անոնց. «Ես եմ, մի՛ վախնա՛ք»: Անոնք կ'ուզէին զինք նաւակին մէջ առնել, բայց արդէն նաւակը հասաւ այն տեղը, ուր կ'երթային:

Օրուայ ուրիշ ընթերցումներ – Եսայի 61:10-62:9 – Բ. Տիմոթէոսի 2:15-26

Փետրուար 5, 2012

ՅԻՍՈՒՍ ՔՐԻՍՏՈՍԻ ԱԻՆՏԱՐԱՆԷՆ ԸՍՏ ՅՈՎՀԱՆՆՈՒ

Գլուխ 6:22-38

Երբ զինք գտան ծովուն միւս կողմը, հարցուցին. «Վարդապետ, ե՞րբ եկար հոս»: Յիսուս անոնց պատասխանեց. «Կ'ըսեմ ձեզի, վստահաբար դուք զիս կը փնտոէք ո՛չ թէ որովհետեւ հրաշքներ տեսաք, այլ որովհետեւ այդ հացէն կերաք եւ կշտացաք: Փոխանակ կորստական ուտելիքը փնտոելու, ջանացէք ապահովել այն կերակուրը որ մարդու Որդին պիտի տայ ձեզի, որովհետեւ Հայրն Աստուած իր հաւանութեան կնիքը դրաւ անոր վրայ»:

Անոնք հարցուցին. «Ի՞նչ ընենք, որ Աստուծոյ ուզածը կատարած ըլլանք»: Յիսուս անոնց պատասխանեց. «Աստուծոյ ուզածը այն է, որ հաւատաք անոր որ ինք զրկեց»:

Անոնք ըսին. «Ի՞նչ հրաշք պիտի գործես, որպէսզի տեսնենք եւ քեզի հաւատանք. ի՞նչ պիտի ընես: Մեր հայրերը մանանան կերան անապատին մէջ, ինչպէս գրուած է, 'Անոնց երկինքէն հաց տուաւ ուտելու համար'»: Յիսուս անոնց ըսաւ. «Ճշմարտութիւնը կ'ըսեմ ձեզի, թէ ինչ որ Մովսէս ձեզի տուաւ՝ երկինքէն իջած հացը չէր, այլ հիմա է որ Հայրս ձեզի կու տայ երկինքէն իջած նշմարիտ հացը: Որովհետեւ Աստուծոյ տուած հացը ան է, որ երկինքէն կ'իջնէ եւ կեանք կու տայ աշխարհին»:

Անոնք ըսին. «Տէ՛ր, մի՛շտ տուր մեզի այդ հացը»: Յիսուս ըսաւ անոնց. «Ես եմ կեանքի հացը. ան որ ինծի կու գայ, բնաւ պիտի չանօթեանայ եւ ան որ ինծի կը հաւատայ, երբեք պիտի չծարաւնայ: Բայց հիմա ըսի ձեզի, տեսաք ալ զիս, եւ տակաւին չէք հաւատար: Ինչ որ Հայրը ինծի տուաւ՝ ինծի պիտի գայ, եւ ես ինծի եկողը պիտի չմերժեմ. որովհետեւ ես երկինքէն իջայ ո՛չ թէ իմ կամքս կատարելու, այլ կամքը անո՛ր, որ զիս զրկեց»:

Օրուայ ուրիշ ընթերցումներ – Եսայի 63:7-19 – Բ. Տիմոթէոս 3:1-12

Փետրուար 12, 2012

ՅԻՍՈՒՍԻ ՔՐԻՍՏՈՍԻ ԱԻՆՏԱՐԱՆԷՆ ԸՍՏ ՅՈՎՀԱՆՆԷՍԻ

Գլուխ 7:37-52

Տօնին վերջին եւ հանդիսաւոր օրը, Յիսուս ոտքի կանգնած բարձրաձայն կ'ըսէր. «Ով որ ծարաւ է, թող ինծի գայ եւ խմէ: Ով որ ինծի կը հաւատայ, ինչպէս Գիրքը կ'ըսէ, "Անոր սիրտէն կենսատու ջուրի գետեր պիտի բղխին"»: Յիսուս ասիկա կ'ըսէր Հոգիին համար, որ իրեն հաւատացողները պիտի ընդունէին. իսկ Հոգին տակաւին չէր տրուած, քանի Յիսուս փառաւորուած չէր:

Ժողովուրդէն ոմանք երբ լսեցին այս խօսքերը, ըսին. «Այս է նշմարիտ մարգարէն»: Ուրիշներ կ'ըսէին. «Օձեալն է, Քրիստոսը»: Իսկ ոմանք ալ կ'ըսէին. «Միթէ Գալիլիայէ՞ն պիտի գայ Քրիստոսը: Գիրքը չ'ըսէր թէ Քրիստոս Դաւիթ թագաւորի սերունդէն պիտի ըլլայ եւ Դաւիթի քաղաքին՝ Բեթհեղէմի մէջ պիտի ծննայ»: Եւ Յիսուսի պատնառով տարակարծութիւններ յատաչ եկան: Ոմանք ուզեցին ձերբակալել զինք, բայց ոչ ոք համարձակեցաւ:

Երբ տանարին պահակները վերադարձան, քահանայապետներն ու փարիսեցիները հարցուցին անոնց. «Ինչո՞ւ զինք հոս չբերիք»: Պահակները պատասխանեցին. «Այս մարդուն պէս խօսող երբեք չենք տեսած»: Փարիսեցիները ըսին. «Ի՞նչ, դո՞ւք ալ խաբուեցաք: Իշխանաւորներէն կամ փարիսեցիներէն ոեւէ մէկը հաւատա՞ց անոր: Մեր օրէնքները չգիտցող տգէտ ամբոխը միայն հաւատաց: Անոնք արդէն իսկ նզովուած են»:

Նիկողէմոս, փարիսեցիներէն մէկը, որ նախապէս գիշերով եկած էր Յիսուսի մօտ, ըսաւ անոնց. «Արդեօք մեր օրէնքները մարդս կը դատե՞ն նախ քան զինք լսելը եւ գիտնալը թէ ինչ ըրած է»: Անոնք պատասխանեցին Նիկողէմոսի. «Միթէ դո՞ւն ալ Գալիլիայէն ես. քննէ Գիրքերը եւ պիտի տեսնես թէ Գալիլայէն մարգարէ չ'ելլեր»:

Օրուայ ուրիշ ընթերցումներ – Եսայի 63:18-64:12 – Տիտոսի 1:1-11

Փետրուար 19, 2012 – *ԲՈՒՆ ԲԱՐԵԿԵՆԴԱՆ*

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ

Գլուխ 6:1-21

(Յապաւումներով)

«Զգոյ՛շ, Աստուծոյ հանդէպ ձեր պարտաւորութիւնները մարդոց ներկայութեան մի կատարէ՛ք ցոյցի համար, որովհետեւ այդ պարագային վարձատրութիւն պիտի չստանա՛ք ձեր երկնաւոր Հօրմէն:

«Երբ ողորմութիւն կ'ուզես տալ՝ փող ու թմբուկով մի ըներ, մարդոց ուշադրութիւնը գրաւելու համար: Ընդհակառակը, դուն երբ ողորմութիւն պիտի տաս, ձախ ձեռքով թող չգիտնայ թէ ինչ կ'ընէ աջ ձեռքդ:

«Նմանապէս, երբ կ'աղօթես, մտի՛ր սենեակդ, գոցէ դուռը եւ աղօթէ քու երկնաւոր Հօրդ, որ անտեսանելի է. եւ Հայրդ որ կը տեսնէ կատարածդ, քեզի պիտի հատուցանէ յայտնապէս:

«Երբ ծով կը պահէ՛ք, տրտումներս մի ըլլա՛ք կեղծաւորներուն նման, որոնք իրենց երեսը կը կախեն, որպէսզի մարդոց ցոյց տան թէ ծով կը պահեն: Ընդհակառակը, երբ ծով կը պահես, օժէ գլուխդ եւ լուս երեսդ, որպէսզի մարդիկ չգիտնան թէ ծով կը պահես. եւ Աստուած որ անտեսանելի է, բայց կը տեսնէ կատարածդ, քեզ պիտի վարձատրէ յայտնապէս:

«Զեր հարստութիւնը մի դիզէ՛ք երկրի վրայ: Այլ ձեր հարստութիւնը երկինքի մէջ դիզեցէ՛ք: Որովհետեւ ձեր հարստութիւնը ուր որ է, հոն կ'ըլլայ ձեր սիրտը»:

Օրուայ ուրիշ ընթերցումներ – Եսայի 58:1-14, Հռոմայեցւոց 13:11-14:23, 16-25-27

Փետրուար 26, 2012 – *Արտաքսման Կիրակի*

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ

Գլուխ 5:17-48

«Մի կարծէ՛ք թէ եկայ Մովսէսի Օրէնքը կամ մարգարէներու ուսուցումները ջնջելու. չեկայ ջնջելու, այլ ամբողջացնելու:

«Լսեր է՛ք որ անցեալին ըսուած է. ‘Մի սպաններ, որովհետեւ ան որ կ'ըսպաննէ, պիտի դատապարտուի՛: Իսկ ես կ'ըսեմ ձեզի. Ով որ առանց պատճառի իր եղբոր դէմ բարկանայ, պիտի դատապարտուի:

«Լսեր է՛ք որ ըսուած է. ‘Մի շնար՛: Իսկ ես կ'ըսեմ ձեզի, թէ ով որ ցանկութեամբ նայի ոեւէ կնոջ՝ արդէն իսկ իր սրտին մէջ շնութիւն ըրած կ'ըլլայ անոր հետ:

«Ըսուած է նաեւ. ‘Ով որ իր կինը կ'արձակէ, անոր արձակման թուղթ թող տայ՛: Իսկ ես կ'ըսեմ ձեզի. Ան որ առանց պտոնկութեան պատճառի իր կինը կ'արձակէ, ինք պատճառ կը դառնայ անոր շնութիւն ընելուն:

«Լսեր է՛ք նաեւ որ անցեալին ըսուած է. ‘Երդմնագանց մի ըլլար. այլ կատարէ ինչ որ երդուած է Աստուծոյ՛: Իսկ ես կ'ըսեմ ձեզի. բնաւ երդում մի ընէ՛ք: Անկէ աւելին չարէն կու գայ:

«Լսեր է՛ք որ ըսուած է. ‘Աչքի դէմ աչք պիտի հատուցանես եւ ակոյալի դէմ ակոյալ՛: Իսկ ես կ'ըսեմ ձեզի. Մի հակառակիր քեզի չարիք ընողին:

«Լսեր է՛ք արդարեւ որ ըսուած է. ‘Սիրէ ընկերդ եւ ատէ թշնամիդ՛: Իսկ ես կ'ըսեմ ձեզի. Սիրեցէ՛ք ձեր թշնամիները, օրհնեցէ՛ք ձեր անիծողները, բարիք ըրէ՛ք ձեզ ատողներուն եւ աղօթեցէ՛ք անոնց համար, որոնք ձեզ կը չարչարեն ու կը հալածեն: Արդ, դուք կատարեալ եղէ՛ք, ինչպէս որ ձեր երկնաւոր Հայրը կատարեալ է»:

Մարտ 4, 2012 – Անառակ Որդւոյ Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ

(Գլուխ 15:11-32)

Մարդ մը երկու գաւակ ունէր: Կրտսերը հօրը ըսաւ. “Հա՛յր, քու ստացուածքէդ ինծի ինկող բաժինը հիմա տուր ինծի”: Եւ հայրը իր գաւակներուն միջեւ բաժնեց իր ունեցածը: Քանի մը օր ետք կրտսեր գաւակը առաւ իր ամբողջ հարստութիւնը եւ հեռու երկիր մը գնաց: Հոն անառակ կեանք մը ապրելով մսիսեց հարստութիւնը եւ սպառեց իր ամբողջ ունեցածը:

«Պատահեցաւ որ այդ երկիրին մէջ մեծ սով մը տիրեց, երբ արդէն քաղաքացիներէն մէկուն քով ծառայ եղաւ, եւ անիկա իր ագարակը դրկեց զինք՝ խոզեր արածելու համար: Նոյնիսկ պատրաստ էր խոզերուն կերած եղջիւրներով իր փոքր լեցնելու, սակայն ոչ ոք կու տար իրեն: Երբ անդրադարձաւ իր վիճակին, ինքնիրեն ըսաւ. “Հօրս տան մէջ քանի գործաւորներ կան, որոնք իրենց պէտք եղած կերակուրէն աւելին ունին, մինչ ես հոս անօթութենէ կը մեռնիմ: Ելլեմ երթամ հօրս քով եւ ըսեմ իրեն.– Հա՛յր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու. զիս նկատէ քու գործաւորներէդ մէկը”: Ապա ելաւ եւ հօրը քով գնաց: Տակաւին տունէն բաւական հեռու էր, երբ հայրը տեսաւ զինք ու գթաց. վազելով դիմաւորեց զայն, վզին փաթթուեցաւ եւ համբուրեց: Որդին հօրը ըսաւ. “Հա՛յր, մեղանչեցի Աստուծոյ եւ քեզի դէմ. այլեւս արժանի չեմ քու որդիդ կոչուելու”: Հայրը իր ծառաներուն հրամայեց. “Ամմիջապէս բերէք լաւագոյն պատմուհանը եւ հագցուցէք իրեն. մատանի անցուցէք իր մատին եւ կօշիկ տուէք իրեն: Բերէք պատրաստ հորթը, մորթեցէք, ուտենք եւ ուրախանանք: Որովհետեւ իմ այս գաւակս մեռած էր՝ ողջնցաւ, կորսուած էր՝ գտնուեցաւ”: Եւ սկսան յրախնանքի:»

Օրուայ ուրիշ ընթերցումներ – Եսայի 54:11-55:13, Բ. Կորնթացւոյ 6:1-7:1

Մարտ 11, 2012 – Տնտեսի Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ

Գլուխ 16:1-31

Իր աշակերտներուն Յիսուս այս առակը պատմեց.–

«Մեծահարուստ մարդ մը կար, որ իր ստացուածքներուն վերակացու տնտես մը ունէր: Երբ տնտեսին մասին մարդիկ ամբաստանութիւն ըրին, ըսելով թէ իր տիրոջ հարստութիւնը կը վատնէ, մեծահարուստը կանչեց զինք եւ ըսաւ. “Ի՞նչ են քու մասիդ այս ըսուածները: Քեզի յանձնած բոլոր ստացուածքներուս հաշիւը տուր: Այլեւս տնտեսս չես կրնար ըլլալ”: Տնտեսը ինքնիրեն խորհեցաւ. “Ի՞նչ կրնամ ընել. ահա տէրս զիս տնտեսութեան պաշտօնէն կը գրկէ: Բանաւորութիւն չեմ կրնար ընել, մուրալու կ’ամչնամ: Սակայն գիտեմ թէ ի՛նչ պէտք է ընեմ, որ երբ տէրս տնտեսութեան պաշտօնէն հեռացնէ, մարդիկ զիս ընդունին իրենց տուններէն ներս”: Ապա մէկ առ մէկ կանչեց իր տիրոջ պարտականները եւ առաջինին հարցուց. “Ո՞րքան պարտք ունիս տիրոջս”: Ան պատասխանեց. “Երկու հարիւր թիթեղ ձէթ”: Տնտեսը ըսաւ. “Ահաւասիկ պարտամուրհակդ. նստէ՛ եւ անմիջապէս գրէ՛ հարիւր”: Յետոյ հարցուց միւսին. “Դո՞ւն որքան պարտք ունիս”: Ան պատասխանեց. “Չորս հարիւր յիսուն պարկ ցորեն”: Տնտեսը ըսաւ. “Ահաւասիկ պարտամուրհակդ. նստէ՛ եւ գրէ՛ երեք հարիւր յիսուն”: Տէրը ասիկա լսելով գովեց անիրաւ տնտեսը իր հնարամտութեան համար: Որովհետեւ այս աշխարհի մարդիկը իրենց գործերը վարելու մէջ աւելի ցարպիկ են քան լոյսի որդիները: Եւ ես կ’ըսեմ ձեզի.– Աշխարհիկ

հարստութիւնը գործածէ՛ք այնպէս՝ որ Աստուծոյ բարեկամութիւնը շահի՛ք, որպէսզի երբ այս աշխարհէն ելլէ՛ք, ձեզ յաւիտեանական յարկերու մէջ ընդունին»:

Օրուայ ուրիշ ընթերցումներ – Եսայի 56:1-57-21, Եփեսացւոց 4:17-5:14

Մարտ 18, 2012 – Դատաւորի Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ

Գլուխ 17:20-18:14

Յիսուս առակ մը խօսեցաւ իր աշակերտներուն, ցոյց տալու համար թէ պէտք է միշտ աղօթել՝ առանց վհատելու: Եւ ըսաւ. «Քաղաքի մը մէջ դատաւոր մը կար, որ ո՛չ Աստուծմէ կը վախնար եւ ոչ ալ մարդոցմէ կ'ամչնար: Նոյն քաղաքին մէջ այրի կին մըն ալ կար, որ իրեն կը դիմէր եւ կը խնդրէր. “Իրաւունքս պաշտպանէ հակառակորդներէս”: Դատաւորը երկար ժամանակ մերժեց դատը տեսնել, սակայն ի վերջոյ ըսաւ ինքնիրեն, “Թէեւ Աստուծմէ չեմ վախնար եւ մարդոցմէ չեմ ամչնար, բայց քանի այս այրին նեղութիւն կու տայ ինձի, իր դատը տեսնեմ, որպէսզի մինչեւ վերջ քովս գալով զիս չանհանգստացնէ”»: Ապա Տէրը շարունակեց. «Լսեցէ՛ք թէ ի՛նչ կ'ըսէ անիրաւ դատաւորը: Իսկ Աստուած որքա՞ն պիտի համբերէ իր ընտրեալներուն կրած անիրաւութեան, պիտի չպաշտպանե՞՞ զանոնք, որոնք գիշեր ու ցերեկ իրեն կը դիմեն: Այո՛, կ'ըսեմ ձեզի որ անոնց իրաւունքը անմիջապէս պիտի պաշտպանէ: Բայց մարդու Որդին երբ գայ, արդեօք հաւատք պիտի գտնե՞՞ երկրի վրայ»:

Օրուայ ուրիշ ընթերցումներ – Եսայի 65:8-25, Փիլիպպեցւոց 3:1-4:9

Մարտ 25, 2012 – Գալստեան Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ

Գլուխ 22:34-23:39

Ապա Յիսուս ժողովուրդին եւ իր աշակերտներուն ըսաւ.

«Մովսէսի աթոռը նստան օրէնքի ուսուցիչներն ու փարիսեցիները: Իրենց ըսածներուն հնազանդեցէ՛ք եւ կատարեցէ՛ք զանոնք, սակայն մի՛ ընէ՛ք ինչ որ օրէնք կ'ընեն. որովհետեւ անոնք կը սորվեցնեն, բայց չեն կատարեր: Անոնք ծանր եւ դժուարակիր բեռներ կը դնեն մարդոց ուսերուն, մինչ իրենք նոյն բեռները կրելու նուազագոյն սիւսն իսկ չեն ըներ: Ինչ որ կ'ընեն՝ մարդոց երեւելու համար կ'ընեն: Իրենց դրապանակները կը լայնցնեն եւ իրենց հագուստներուն ծոպերը կ'երկնցնեն: Ընթրիքներու ընթացքին պատուոյ տեղերը գրաւել կը սիրեն եւ ժողովարաններու մէջ՝ առաջին աթոռները: Կը սիրեն հրապարակներու վրայ մարդոցմէ բարեւներ ընդունիլ եւ “Վարդապետ”, այսինքն, “Ուսուցիչ” կոչուիլ: Բայց դուք ոեւէ մէկը “վարդապետ” մի կոչէ՛ք, որովհետեւ դուք բոլորդ եղբայրներ է՛ք եւ մէկ ուսուցիչ ունի՛ք: Երկրի վրայ ոեւէ մէկը “հայր” մի կոչէ՛ք, որովհետեւ դուք մէկ Հայր ունի՛ք, որ երկինքի մէջ է: “Առաջնորդ” մի՛ կոչուի՛ք, որովհետեւ ձեր միակ առաջնորդը Քրիստոս է: Ձեր մէջէն մեծը թող ձեր սպասաւորը ըլլայ: Ով որ իր անձը կը բարձրացնէ՝ պիտի խոնարհի, եւ ով որ իր անձը խոնարհեցնէ՝ պիտի բարձրանայ:»

Օրուայ ուրիշ ընթերցումներ – Եսայի 66:1-24, Կողոսացիս 2:16-3:17

Ապրիլ 1, 2012 – Ծաղկազարդ

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ

Գուլթ 21:1-17

Երբ Երուսաղէմի մօտեցան եւ հասան Բեթփագէ, Զիթեմնեաց լեռան կողին, Յիսուս իր աշակերտներէն երկուքը դրկեց՝ անոնց պատուիրելով. «Գացէք սա դիմացի գիւղը եւ անմիջապէս հոն կապուած էջ մը պիտի գտնէք իր աւանակին հետ. ֆակեցէք եւ ինծի բերէք: Եթէ մէկը առարկէ, ըսէք, «Տէրը անոնց պէտք ունի», եւ անմիջապէս թոյլ պիտի տայ ձեզի»:

Ասիկա պատահեցաւ, որպէսզի իրականանայ մարգարէին խօսքը:

«Երուսաղէմի ըսէք. տես հու Թագաւորդ ֆեզի կու գայ. Անիկա հեզ է, նստած իշու մը աւանակին վրայ»:

Աշակերտները գացին եւ կատարեցին ինչ որ Յիսուս պատուիրեց իրենց:

Բերին էջն ու աւանակը եւ իրենց հագուստները անոնց վրայ դրին: Ապա Յիսուս նստաւ աւանակին վրայ: Ժողովուրդէն շատեր իրենց հագուստները կը փռէին նամբուն վրայ, ուրիշներ ծառերէն ոստեր կը կտրէին եւ կը տարածէին նամբուն վրայ: Եւ ամբողջ բազմութիւնը, որ թափօրին մէջ Յիսուսի առջեւէն կ'երթար կամ կը հետեւէր իրեն, կ'աղաղակէր:

«Օրհնութիւն Դաւիթի որդիին, Օրհնեալ է ան որ կուգայ Տիրոջ անունով, Օրհնութիւն բարձրեալին»:

Երբ Յիսուս Երուսաղէմ մտաւ, ամբողջ ֆաղափը դորդեցաւ: «Ո՞վ է անիկա», կը հարցնէին ֆաղափի բնակիչները. եւ ամբողջը կը պատասխանէր. «Ասիկա Յիսուս մարգարէն է, Գալիլիայի Նագարէթ ֆաղափէն»:

Ապա Յիսուս տանար մտաւ եւ դուրս վոնտեց բոլոր անոնք որոնք տանարին մէջ առուծախ կ'ընէին. լուծալափոխներուն սեղանները եւ աղանալաճաններուն աթոռները շրջեց եւ ըսաւ անոնց. «Սուրբ Գիրքերուն մէջ գրուած է. “Իմ տունս աղօթքի տուն պիտի կոչուի”, մինչ դուք գայն աւագակներու որջի վերածած էք»:

Տանարին մէջ Յիսուսի մօտեցան կոյրեր եւ կաղեր եւ ան բժշկեց զանոնք: Երբ ֆահանայապետներն ու դպիրները տեսան Յիսուսի կատարած հրաշքները եւ լսեցին աղաղակը մանուկներուն, որոնք տանարին մէջ կը գոչէին. «Օրհնութիւն Դաւիթի որդիին», բարկացան եւ Յիսուսի ըսին. «Կը լսե՞ս ինչ կ'ըսեն ատոնք»: Յիսուս պատասխանեց. «Այո՛, չէ՞ք կարդացած Սուրբ Գիրքին սա խօսքը, թէ «Մանուկներու եւ կաթնկեր երեխաներու բերնով գովեստ հիւսեցիր»:

Ապա Յիսուս ձգեց զանոնք եւ ֆաղափէն դուրս ելաւ՝ դէպի Բեթանիա, եւ հոն գիշերեց:

Օրուայ այլ ընթերցումներ –Երգ Երգոց 1:1-2:3, Զաֆարիա 9:9-17, Փիլիպպեցոց 4:4-7

Ապրիլ 8, 2012 – Տօն Ա. Յարութեան Տեսնոն Մերոյ Յիսուսի Քրիստոսի

ՅԻՍՈՒՍ ՔՐԻՍՏՈՍԻ ԱՒԵՏԱՐԱՆԷՆ ԸՍՏ ՄԱՐԿՈՍԻ

(Գուլթ 16:1-8)

Վասն Յարութեան Տեսնոն Մերոյ Յիսուսի Քրիստոսի:

Շաբաթ օրը երբ անցաւ, Մարիամ Մագդաղեմացին, Մարիամ՝ Յակոբի մայրը եւ Սողոմէն գացին խունկեր գնեցին եւ պատրաստեցին, որպէսզի երթան եւ օծեն Յիսուսի մարմինը: Կիրակի առաւօտ կանուխ, արեւածագին, գերեզման եկան: «Ո՞վ պիտի գորէ գերեզմանի մուտքի դրուած ֆարը», կը հարցնէին իրարու, որովհետեւ ֆարը շատ մեծ էր: Սակայն երբ նայեցան, տեսան որ ֆարը արդէն իսկ գորուած էր: Գերեզմանէն ներս մտան եւ ներմակ զգեստ հագած երիտասարդ մը տեսան, որ աչ կողմը նստած էր: Սարսափեցան: Երիտասարդը ըսաւ անոնց. «Մի՛ վախմաք, գիտեմ որ խաչուած Նագովրդի Յիսուսը կը փնտոտէք. բայց հոս չէ, յարութիւն առաւ: Տեսէ՛ք, զինք հոս դրած էին: Այժմ գացէք, ըսէք իր աշակերտներուն եւ Պետրոսի, որ տեսնու Յիսուս ձեզմէ առաջ կ'երթայ Գալիլիա. հոն պիտի տեսնէք զինք, ինչպէս որ ըսած էր ձեզի»: Երբ ասիկա լսեցին, դուրս փախան գերեզմանէն, զարհուրած եւ ապշահար, ու ոչ մէկուն բան մը ըսին, որովհետեւ կը վախնային:

Օրուայ ուրիշ ընթերցում – Գործք Առաքելոց 1:15-26

Ապրիլ 15, 2012– Նոր Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆՆԷՆ ԸՍՏ ՅՈՎՀԱՆՆՈՒ

Գլուխ 1:1-17

Աշխարհի ստեղծագործութենէն առաջ գոյութիւն ունէր Բանը, այսինքն Որդին: Բանը Աստուծոյ հետ էր եւ Բանը Աստուած էր: Անիկա սկիզբէն Աստուծոյ հետ էր: Անով էր որ Աստուած ամէն ինչ ստեղծեց. առանց անոր ոչ մէկ բան ստեղծեց: Կեանքը Անով սկիզբ առաւ. եւ կեանքը մարդոց համար լոյսն է՝ որ խաւարին մէջ կը փայլի. եւ խաւարը չկրցաւ Անոր յաղթել:

Յովհաննէս, որ Աստուծոյ կողմէ զրկուած մարդ մըն էր, եկաւ Լոյսին համար վկայութիւն տալու, որպէսզի ամէն մարդ Անոր անունին հաւատայ: Ինք Լոյսը չէր, այլ՝ Լոյսին համար վկայ մը: Բանն էր նշմարիտ Լոյսը, որ աշխարհ գալով կը լուսաւորէ ամբողջ մարդկութիւնը: Աշխարհի մէջ էր Անիկա, աշխարհը Իրմով ստեղծուեցաւ, սակայն աշխարհը զԱյն չհանչեցաւ: Իր իսկ ստեղծած աշխարհը եկաւ, բայց մարդիկ զինք չընդունեցին: Իսկ զինք ընդունողներուն եւ Իրեն հաւատացողներուն՝ իշխանութիւն տուաւ Աստուծոյ որդիներ ըլլալու. ո՛չ արեան ցամբով եւ ո՛չ մարմնի կամ մարդկային կամքով, այլ Աստուծմէ ծնելով:

Եւ Բանը մարմին եղաւ եւ մեր միջեւ բնակեցաւ՝ շնորհով եւ նշմարտութեամբ լեցուն: Մենք տեսանք Անոր փառքը, փառքը Աստուծոյ միածին Որդիին:

Յովհաննէս Անոր մասին վկայեց, յայտարարելով. «Ասիկա է Ան, որուն մասին կ'ըսէի. "Ան որ ինձմէ ետք պիտի գայ՝ ինձմէ մեծ է, որովհետեւ ինձմէ առաջ գոյութիւն ունէր"»: Իր լիազօր շնորհէն մենք շարունակ շնորհք ստացանք, որովհետեւ Օրէնքը Մովսէսի միջոցաւ տրուեցաւ, մինչ շնորհքն ու նշմարտութիւնը՝ Յիսուս Քրիստոսի միջոցաւ:

Օրուայ ուրիշ ընթերցումներ – Գործք Առաքելոց 5:34-6:72 Յակոբոս 3:1-12

Ապրիլ 22, 2012 – Կանաչ Կիրակի

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆՆԷՆ ԸՍՏ ՅՈՎՀԱՆՆԷՍԻ

Գլուխ 2:23-3:12

Չատիկի տօնին, մինչ Յիսուս Երուսաղէմ կը գտնուէր, շատեր հաւատացին իրեն, երբ տեսան անոր գործած հրաշքները: Սակայն Յիսուս ինքզինք չէր վստահեր անոնց, որովհետեւ բոլորն ալ կը փառանային եւ պէտք չուներ ոեւէ մէկուն մասին ուրիշին վկայութեան, քանի ինք գիտէր թէ ի՛նչ կայ այդ մարդուն սիրտին մէջ:

Նիկողոսեմոս անունով փարիսեցի մարդ մը կար, հրեայ իշխան մը, որ գիշերով Յիսուսի մօտ եկաւ եւ ըսաւ անոր. «Վարդապետ, գիտե՞մք որ դուն Աստուծոյ կողմէ զրկուած ուսուցիչ մըն ես, որովհետեւ ո՛չ ոք կրնայ գործել քո կատարած հրաշքներդ, եթէ Աստուած անոր հետ չըլլայ»: Յիսուս պատասխանեց անոր. «Հաստատ գիտցիր, որ եթէ մէկը վերստին չծնի՝ չի կրնար տեսնել Աստուծոյ արքայութիւնը»: Նիկողոսեմոս հարցուց անոր. «Ծեր մարդ մը ինչպէ՞ս կրնայ նորէն ծնիլ: Կարելի՞ քան է որ ան կրկին մտնէ իր մօր որովայնը եւ ծնի»: Յիսուս պատասխանեց. «Վստահ եղիր, որ եթէ մէկը չուրէն եւ Հոգիէն չծնի՝ չի կրնար երկինքի արքայութիւնը մտնել, որովհետեւ մարմինէն ծնածը մարմին է, իսկ Հոգիէն ծնածը՝ հոգի: Դուն մի՛ գարմանար, որ քեզի ըսի՝ թէ պէտք է կրկին ծնիք: Հովը ուր որ ուզէ կը փչէ. դուն անոր ձայնը կը լսես, բայց չես գիտեր թէ ուրկէ կուգայ եւ ուր կ'երթայ: Նոյնպէս են բոլոր անոնք, որոնք Հոգիէն կը ծնին»:

Նիկողոսեմոս հարցուց. «Ինչպէ՞ս կը պատահի ատիկա»: Յիսուս պատասխանեց. «Դուն որ Իսրայէլի ժողովուրդին վրայ ուսուցիչ կարգուած ես, ատիկա չե՞ս գիտեր: Վստահ եղիր, թէ ինչ որ գիտեմք՝ կը խօսինք եւ ինչ որ տեսանք՝ անոր մասին կը վկայենք, բայց մեր վկայութիւնը չէք ընդունիր: Եթէ երկրաւոր բաներու մասին խօսեցայ ձեզի եւ չհաւատացիք, ինչպէ՞ս պիտի հաւատաք ինձի եթէ երկնաւոր բաներու մասին խօսիմք»:

Օրուայ ուրիշ ընթերցումներ – Գործք Առաքելոց 9:23-31, Ա. Պետրոսի. 2:1-10

ՅԻՍՈՒՍ ՔՐԻՍՏՈՍԻ ԱԻՅՏԱՐԱՆՆԷՆ ԸՍՏ ՅՈՎՀԱՆՆԷՍԻ
Գուլթ 5:19-30

Յիսուս անոնց ըսաւ. «Հաստատ գիտցե՛ք, թէ մարդու Որդին ինձ իրմէ ոչինչ կը կատարէ, այլ կը կատարէ միայն այն՝ ինչ որ կը տեսնէ թէ Հայրը կը կատարէ: Որովհետեւ ինչ որ Հայրը կը գործէ, Որդին ալ նոյնը կը գործէ: Հայրը կը սիրէ Որդին եւ անոր ցոյց կու տայ ինչ որ ինձ կը կատարէ: Տակաւին ձեր տեսածներէն աւելի սքանչելի գործեր ալ ցոյց պիտի տայ Որդիին, այնպէս որ դուք պիտի զարմանաք: Ինչպէս որ Հայրը մեռելները կը յարուցանէ եւ կեանք կու տայ անոնց, նոյնպէս ալ Որդին կեանք կու տայ անոնց՝ որոնց ինձ կ'ուզէ: Եւ Հայրը ոեւէ մէկը չի դատեր, այլ դատելու իշխանութիւնը ամբողջութեամբ յանձնած է իր Որդիին, որպէսզի բոլորն ալ պատուեն Որդին, ինչպէս որ Հայրը կը պատուեն: Ան որ չի պատուեր Որդին, չի պատուեր Հայրը որ գայն դրկած է:

«Հաստատ գիտցե՛ք, ան որ իմ խօսքերս կը լսէ եւ կը հաւատայ անոր որ զիս դրկեց, յաւիտեանական կեանք ունի եւ պիտի չդատապարտուի, որովհետեւ արդէն իսկ մահէն կեանքի անցած է: Վստահ եղե՛ք, ժամանակ կու գայ – եւ արդէն իսկ եկած է – երբ մեռելները Աստուծոյ Որդիին ձայնը պիտի լսեն եւ լսողները պիտի ապրին: Որովհետեւ, ինչպէս որ Հայրը կեանք պարգեւելու գորութիւնը ունի իր մէջ, այդ գորութիւնը տուած է նաեւ Որդիին: Նոյնպէս ալ դատելու իշխանութիւնը տուաւ Որդիին, որովհետեւ անիկա մարդու Որդին է: Ուրեմն մի՛ զարմանաք որ ըսի, թէ ահա կու գայ ժամանակը, երբ բոլոր անոնք որոնք գերեզմաններու մէջ են՝ պիտի լսեն անոր ձայնը եւ դուրս գան. անոնք որ բարիք գործած են՝ յարութիւն պիտի առնեն եւ ապրին, իսկ անոնք որ չարիք գործած են՝ յարութիւն պիտի առնեն եւ դատապարտուին: Ես ինձմէ չէ որ կը դատեմ, այլ կը դատեմ այնպէս ինչպէս Հօրմէս կը լսեմ. եւ ուրեմն իմ դատաստանս արդար է, որովհետեւ կը գործադրեմ ո՛չ թէ իմ կամքս, այլ կամքը անոր՝ որ զիս դրկեց»:

Օրուայ ուրիշ ընթերցումներ – Գործք Առաքելոց 13:16-43, Պետրոս Առաքելի Ընդհանրական Առաջին Նամակէն 5:1-14

ՅԻՍՈՒՍ ՔՐԻՍՏՈՍԻ ԱԻՅՏԱՐԱՆՆԷՆ ԸՍՏ ՅՈՎՀԱՆՆԷՍԻ
Գուլթ 7:14-24

Տաղաւարահաց տօնակատարութեան մօտաւորապէս կէսին, Յիսուս տաճար ելաւ եւ սկսաւ ուսուցանել: Հրեաները կը զարմանային եւ կ'ըսէին. «Ինչպէ՞ս այս մարդը Սուրբ Գիրքերը գիտէ, երբ բնաւ չէ ուսած գտնո՞ք»: Յիսուս պատասխանեց անոնց. «Ինչ որ ձեզի կ'ուսուցանեմ՝ իմ վարդապետութիւնս չէ, այլ անորը՝ որ զիս դրկեց: Ով որ կ'ուզէ Աստուծոյ կամքը կատարել, պիտի հասկնայ թէ Աստուծմէ՞ է այս վարդապետութիւնը, թէ ես ի՛մ հեղինակութեամբս կը խօսիմ: Ան որ իր հեղինակութեամբ կը խօսի՝ իր անձին համար փառք կը փնտռէ, իսկ ան որ զինք դրկողին փառքը կը փնտռէ, նշմարիտ է եւ խաբէութիւն չկայ անոր մէջ: Մովսէս ձեզի Օրէնքը չտուա՞ւ. սակայն ձեզմէ ոչ ոք կը հնազանդի Օրէնքին: Ինչո՞ւ կ'ուզէք զիս սպաննել»: Ժողովուրդը պատասխանեց. «Դիւահա՞ր ես, ի՞նչ ես. ո՞վ կ'ուզէ քեզ սպաննել»: Յիսուս պատասխանեց. «Հրաշք մը գործեցի եւ բոլորդ վրդովեք էք: Մովսէս հրահանգեց թլփատել ձեր գաւակները – թէեւ Մովսէս չէր սկսողը, այլ ձեր նախահայրերը – եւ դուք ձեր գաւակները կը թլփատէք Շաբաթ օրով: Եթէ մէկը կը թլփատէ Շաբաթ օրով, որպէսզի չբեկանուի Մովսէսի Օրէնքը, ինչո՞ւ գայրացած էք ինձի դէմ, որովհետեւ մէկը ամբողջութեամբ բժշկեցի Շաբաթ օրով: Երեւոյթներէն մի՛ դատէք, այլ արդար դատաստան կատարեցէ՛ք»:

Օրուայ ուրիշ ընթերցումներ – Գործք Առաքելոց – 17:1-15, Ընդհանրական Առաջին 1:1-10

Կիրակի Մայիս 13, 2012

ՅԻՍՈՒՍ ՔՐԻՍՏՈՍԻ ԱԻՅՏԱՐԱՆՔՆ ԸՍՏ ՅՈՎՀԱՆՆԷՍԻ

Գլուխ 9:39-10:10

Յիսուս ըսաւ. «Աշխարհ եկայ յայտնելու թէ որո՞նք են կոյրերը եւ որոնք՝ տեսնողները. որպէսզի կոյրերը տեսնեն եւ անոնք որ տեսնեն՝ կուրնան»: Փարիսեցիներէն ոմանք որոնք իր շուրջն էին, լսեցին ասիկա եւ հարցուցին. »Արդեօք մե՞նք ալ կոյր ենք»: Յիսուս անոնց պատասխանեց. «Եթէ կոյր ըլլայիք, մեղք պիտի չունենայիք. բայց քանի կ'ըսէք թէ կը տեսնէք, կը նշանակէ թէ ձեր մեղաւոր ըլլալը կը հաստատէք:

«Հաստատ գիտցէք, ան որ ոչխարներուն փարախը դռնէն չի մտներ, այլ ուրիշ տեղէ կը մագցի, անիկա գող է եւ աւագակ. իսկ ան որ դռնէն կը մտնէ, անիկա ոչխարներուն հովիւն է: Դո՞ւնապանը դուռը կը բանայ անոր եւ ոչխարները իր ձայնին կը հետեւին: Իրենց անուններով կը կանչէ իր ոչխարները եւ դուրս կը հանէ, ի՞նք կ'առաջնորդէ, եւ ոչխարները կը հետեւին իրեն, որովհետեւ իր ձայնը կը ճանչնան: Օտարին չեն հետեւիր. ընդհակառակը, կը փախչին անկէ, որովհետեւ օտարներուն ձայնը չեն ճանչնար»:

Յիսուս այս առակը խօսեցաւ անոնց, սակայն անոնք չհասկցան թէ ի՞նչ ըսել կ'ուզէր իրենց: Ուստի Յիսուս կրկին ըսաւ անոնց. «Հաստատ գիտցէք, թէ ե՛ս եմ ոչխարներուն դուռը: Բոլոր անոնք որոնք ինձմէ առաջ եկան, գող էին եւ աւագակ. բայց ոչխարները անոնց չհետեւացան: Ես եմ դուռը. ով որ ինձմէ անցնելով ներս մտնէ՝ պիտի փրկուի. պիտի մտնէ եւ ելլէ եւ ճարակ գտնէ: Գողը կու գայ միայն գողնալու, սպաննելու եւ փնացնելու համար: Ես եկայ որպէսզի կեանք ունենան, եւ լեցուն կեանք ունենան»:

Օրուայ ուրիշ ընթերցումներ – Գործք Առաքելոց 20:17-385 Յովհաննու Ընդհանրական Առաջին 3:1-6

Կիրակի, Մայիս 20, 2012

ՅԻՍՈՒՍ ՔՐԻՍՏՈՍԻ ԱԻՅՏԱՐԱՆՔՆ ԸՍՏ ՅՈՎՀԱՆՆԷՍԻ

Գլուխ 12:12-23

Յաջորդ օր ժողովուրդի մեծ բազմութիւնը մը, որ գատկի տօնին առիթով Երուսաղէմ եկած էր, երբ լսեց թէ Յիսուս Երուսաղէմ կու գայ, արմաւենիի միւղեր առաւ եւ Յիսուսը դիմաւորելու ելաւ, բարձրաձայն աղաղակելով.

*«Ովսաննա,
օրհնեա՛լ ըլլայ ան որ կու գայ Տիրոջ անունով,
Իսրայէլի թագաւորը»:*

Յիսուս էջ մը գտնելով նստաւ անոր վրայ, ինչպէս որ Սուրբ Գիրքերուն մէջ գրուած է.

*«Մի՛ վախճար, Ով Երուսաղէմ, Միոնի՛ աղջիկ,
որովհետեւ թագաւորդ քեզի կու գայ
իշու մը աւանակին վրայ նստած»:*

Յիսուսի աշակերտները այս բոլորը չհասկցան ատենին, բայց Յիսուս փառաւորուեցաւ՝ այն ատեն յիշեցին թէ այս կատարուածները Յիսուսի համար գրուած էին եւ իրենք ալ որ կատարեցին: Բոլորն ալ կը վկայէին թէ Յիսուս Ղազարոսը կանչեց գերեզմանէն եւ գայն մեռելներէն յարուցանեց: Այս իսկ պատճառով Երուսաղէմ գտնուողները բոլորն ալ զինք դիմաւորուելու ելան, որովհետեւ լսած էին թէ ի՞նչպէս ան յարութեան հրաշքը գործած էր: Իսկ փարիսեցիները իրարու կ'ըսէին. «Կը տեսնե՞ք որ բան մըն ալ չենք կրնար ընել. ահա ամբողջ աշխարհը իրեն կը հետեւի»:

Տօնին առիթով կարգ մը յոյներ ալ եկած էին Երուսաղէմ՝ Աստուծոյ երկրպագելու: Անոնք մօտեցան Փիլիպպոսի, որ Գալիլիայի Բեթսայիդա քաղաքէն էր, եւ աղաչելով ըսին. «Տէ՛ր, կ'ուզեմք Յիսուսը տեսնել»: Փիլիպպոս եկաւ Անդրէասին ըսաւ եւ երկուքը միասին Յիսուսի ներկայացուցին անոնց խնդրանքը: Յիսուս պատասխանեց. «Ահա մարդու Որդիին փառաւորուելու ժամը հասաւ»:

Կիրակի, Մայիս 27, 2012 – Հոգեգալուստ

ՅԻՍՈՒՍ ՔՐԻՍՏՈՍԻ ԱԻՆՏԱՐԱՆԷՆ ԸՍՏ ՅՈՎՀԱՆՆԷՍԻ

Գլուխ 14:25-31

Մեր Տէրը Յիսուս Քրիստոս կ'ըսէ.–

«Այս բոլորը խօսեցայ ձեզի, քանի որ տակաւին ձեզի հետ եմ: Բայց Միսիթարիչը՝ Սուրբ Հոգին, որ Հայրը ձեզի պիտի դրկէ իմ անունովս, ան ձեզի ամէն ինչ պիտի սորվեցնէ եւ յիշեցնէ ինչ որ ես ձեզի ըսի: Խաղաղութիւն կը թողում ձեզի. իմ խաղաղութիւնս է որ կու տամ ձեզի, որ այս աշխարհի տուած խաղաղութենէն տարբեր է: Մի՛ խոռովիք եւ մի՛ վախճա՛ք: Լսեցիք ինչ որ ըսի ձեզի, թէ “Ահա կ'երթամ, բայց կրկին պիտի գամ ձեզի”: Եթէ զիս կը սիրէք, ուրախ պիտի ըլլա՛ք որ Հօրս կ'երթամ, որովհետեւ Հայրս ինձմէ մեծ է: Այս բոլորը ձեզի ըսի նախ քան պատահիլը, որպէսզի երբ պատահի՝ այն ատեն հաւատա՛ք: Այլեւս երկար պիտի չխօսիմ ձեզի, որովհետեւ ահա կու գայ այս աշխարհի իշխանը, որ իմ վրաս ոչ մէկ իշխանութիւն ունի: Բայց աշխարհը պէտք է գիտնայ թէ ես Հայրը կը սիրեմ եւ ա՛յդ է պատճառը որ ինձի բոլոր պատուիրածները կը կատարեմ: Ելէ՛ք, երթանք այստեղէն»:

Օրուայ ուրիշ ընթերցում – Գործք Առաքելոց 2:1-21

Յունիս 3, 2012

ՅԻՍՈՒՍ ՔՐԻՍՏՈՍԻ ԱԻՆՏԱՐԱՆԷՆ ԸՍՏ ՂՈՒԿԱՍԻ

Գլուխ 4:25-30

Մեր Տէրը Յիսուս Քրիստոս կ'ըսէ.–

«Ձեզի օրինակներով խօսիմ: Իսրայէլի մէջ բազմաթիւ այրիներ կային Եղիայի օրերուն, երբ երեւոյնէն տարի երկինքը չանձրեւեց եւ ամբողջ երկրին մէջ սաստիկ սով տիրեց: Բայց Եղիա անոնցմէ ոեւէ մէկուն չղրկուեցաւ, այլ զղրկուեցաւ Սիդոնի մօտիկ Սարեփաթա գիւղը բնակող այրի կնոջ մը: Նոյնպէս, Եղիսէ մարգարէի օրերուն Իսրայէլի մէջ բազմաթիւ բորոտներ կային, բայց անոնցմէ ոչ մէկը բժշկուեցաւ, այլ միայն Նէեման անունով ասորի մը»:

Այս ակնարկութիւնները լսելով՝ ժողովարանին մէջ գտնուողները բարկութեամբ լեցուեցան: Եւան, Յիսուսը քաղաքէն դուրս հանեցին եւ գահավէժ ընելու նպատակով գայն տարին մինչեւ կատարը այն լեռան, որուն վրայ շինուած էր իրենց քաղաքը: Բայց Յիսուս անոնց մէջէն անցաւ գնաց:

Օրուայ ուրիշ ընթերցում – Յակոբոս Առաքելոյ Ընդհանրական նամակէն 5:16-20

Յունիս 10, 2012

Գլուխ 10:22-30

Զմեռ էր. Երուսաղեմի մէջ տաճարին Նաւակատիքի տօնակատարութիւնը տեղի կ'ունենար: Յիսուս տաճարին Սողոմոնի սրահին մէջ կ'երթեւեկէր, երբ իր շուրջ հաւաքուեցան հրեաները եւ հարցուցին. «Մինչեւ ե՞րբ մեր հոգին պիտի հանես. եթէ դուն ես Քրիստոսը՝ յստակ ըսէ՛ մեզի»:

Յիսուս պատասխանեց. «Արդէն իսկ ձեզի ըսած եմ, սակայն չէք հաւատար: Այն գործերը որ Հօրս անունով կը կատարեմ, անոնք իսկ կը վկայեն՝ թէ ո՛վ եմ ես: Բայց դուք չէք հաւատար, որովհետեւ իմ ոչխարներէս չէք: Ես ոչխարներս կը ցանցնամ. անոնք ձայնս կը լսեն եւ կը հետեւին ինձի, ու ես անոնց յաւիտենական կեանք կու տամ, բնաւ պիտի չմեռնին: Ո՛չ ոք պիտի կարենայ զանոնք յափշտակել իմ ձեռքէս: Հայրս այդ ոչխարները ինձի տուաւ, եւ ոչ ոք կրնայ յափշտակել զանոնք իմ Հօրս ձեռքէն, որովհետեւ Հայրս բոլորէն աւելի մեծ է: Ես եւ Հայրս մէկ ենք»:

Օրուայ ուրիշ ընթերցումներ – Առակաց 9:1-6, Զաքարիա 3:7-4:9, Եբրայեցւոց 9:1-10

Կիրակի, Յունիս 17, 2012

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ
Գլուխ 12:1-8**

Շաբաթ օր մը Յիսուս արտերուն մէջէն կ'անցնէր:

Աշակերտները անօթեցած ըլլալով սկսան հասկ փրցնել եւ ուտել: Երբ փարիսեցիները ասիկա տեսան, ըսին Յիսուսի. «Տե՛ս, աշակերտներդ ի՛նչ կ'ընեն. բան մը՝ որ արգիւում է Շաբաթ օրով ընել»: Յիսուս պատասխանեց. «Զէ՞ք կարդացած թէ ի՛նչ ըրաւ Դաւիթ, երբ ինք եւ իր հետ եղողները անօթեցան: Աստուծոյ տունը չմտա՞ւ եւ Առաջաւորութեան հացը չկերա՞ւ, որ օրէնքին համաձայն միայն քահանաներուն արտօնուած էր եւ ո՛չ թէ իրեն կամ իր հետ եղողներուն: Կամ չէ՞ք կարդացած Մովսէսի Օրէնքին մէջ, թէ Շաբաթ օրեր քահանաները տաճարին մէջ կը սրբապղծեն Շաբաթը եւ սակայն ասիկա մեղք չի համարուիր իրենց: Ահա կ'ըսեմ ձեզի, որ տաճարէն աւելի մեծ մէկը կայ հոս: Եթէ իրապէս հասկնայիք թէ ի՛նչ կը նշանակէ մարգարէին խօսքը. “Ողորմութիւն կ'ուզեմ եւ ոչ զոհ”, այն ատեն չէիք դատապարտեր անմեղները, որովհետեւ մարդու Որդին Տէրն է Շաբաթին»:

Օրուայ ուրիշ ընթերցումներ – Եսայի 1:2-15, Հոռմայացւոց 6:11-23

Յունիս 24, 2012

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՄԱՏԹԷՈՍԻ
Գլուխ 12:38:45**

Այն ատեն օրէնքի ուսուցիչներէն եւ փարիսեցիներէն ոմանք ըսին Յիսուսի. «Վարդապետ, կ'ուզեմք որ հրաշք մը գործես»: Յիսուս անոնց պատասխանեց. «Աստուծոյ անհաւատարիմ չա՛ր սերունդ. նշան մը կ'ուզէք. բայց Յովնան մարգարէին պատահած հրաշքէն զատ ուրիշ նշան պիտի չտեսնէք: Եւ ինչպէս Յովնան երեք օր ցերեկ ու գիշեր կէտ ձուկին փորին մէջ անցուց, նոյնպէս ալ մարդու Որդին երեք օր ցերեկ ու գիշեր պիտի մնայ երկրի ընդերքին մէջ: Դատաստանի օրը նիւնուէցիները ձեզի դէմ պիտի ըլլեն եւ դատապարտեն ձեզ, որովհետեւ անոնք Յովնանի քարոզութեամբ զղջացին իրենց մեղքերուն համար: Եւ ահա, Յովնանէն աւելի մեծ մէկը կայ հոս: Դարձեալ, Դատաստանի օրը հարաւի թագուհին պիտի ելլէ եւ դատապարտէ ձեզ, որովհետեւ ան

իր հեռաւոր երկրէն եկաւ Սողոմոնի իմաստուն ուսուցումները լսելու համար: Եւ ահա, Սողոմոնէն աւելի մեծ մէկը կայ հոս:

«Նրբ չար ոգի մը դուրս կ'ելլէ մարդու մը մէջէն, կ'երթայ եւ անջրդի վայրերը կը շրջի՝ հանգիստ տեղ մը գտնելու համար: Եւ երբ չգտնէ, ինժնիքս կ'ըսէ. “Նլլեմ երթամ իմ տունս, ուրկէ ելայ”»: Ուստի կը վերադառնայ իր նախկին տունը եւ գայն կը գտնէ պարապ, մաքուր եւ յարգարուած: Ապա կ'երթայ եւ կը բերէ իրմէ աւելի չար եօթը այլ ոգիներ, որոնց հետ ներս մտնելով՝ կը բնակի հոն, որով այդ մարդուն վերջը իր նախկին վիճակէն շատ աւելի գէշ կ'ըլլայ: Գիտցէ՛ք որ նոյնը պիտի պատահի նաեւ այս չար սերունդին»:

Օրուայ ուրիշ ընթերցումներ – Եսայի 1:21-31, Հոռմայեցւոց 7:25-8:11